

FIAT-EN KRISIA. Ostegunean Fiatek eta Italiako Gobernuak plan bat hitzartu zuten. Epe baterako kaleratze eta erretiro aurreratuen bidez 8.100 langileri eragingo dio. Planak sindikatuen haserrea piztu du eta mobilizazioak ugaritzeko prest agertu dira.

Berlusconiaren gomendioa

Kanporatuko diren Fiateko langileei estatuaren saria osatzeko bigarren lan «ez-ofiziala» bilatzeko esan die

Erredakzioa | DONOSTIA

Silvio Berlusconi Italiako lehen ministroa pozik agertu da bere gobernuak eta Fiatek adostutako moldaketa planarekin. «Hilabete batzuetan fabriketatik kanpora geratu baina berriro itzuliko direnak Fiateko langile izaten jarraituko dute, eta Estatuaren eskutik soldataren %80 jasoko dute berriro lanpostuan onartu arte. Bitartean, langile saiatuenek bigarren lan bat aurkituko dute, agian ez-ofiziala, eta honela beste diru iturri bat izanen dute familian».

Atzoko hitzek hautsak harrotu zituzten, bereziki sindikatuen eta Olibondoa ezker-zentroko koalizioako kideen artean. Sabino Pezzotta Cisl sindikatuko ordezkari nagusiak «lan beltza lege kanpo» dagoela oroitarazi zion Berlusconi.

Cesare Damiano Ezkerreko Demokratik alderdiko lan arloko arduraduna zur eta lur geratu zen: «Beste behin Berlusconi argi utzi du, ez Estatu, ez legerik ez duela errespetatzen eta ez duela ere sentsibilitaterik Fiateko egoera dramatikoaren aurrean».

Adierazpenak adierazpen, Fiateko sindikatuek (Cgil, Cisl eta Uil) ez dute onartu 8.100 langile kalean utziko dituen plana. Ostegunean, irtenbide batera iristeko negoziazio mahaitik altxatu ziren, eta Italian planaren aurkako mobilizazioak indartuko dituztela iragarri zuten.

Italiako lehen enpresa krisian

Nazioartean autogintza jasaten ari den motelaldiak bete-betean ukitu du Fiat, Italiako lehen enpresa taldea. Lehen sei hilabeteetan fakturazioa %5,8 jaitsi eta 563 milioi euro galdu zituen. Jadanik ia 7.000 milioi euroko zorra pilatua du.

Egoera horren aurrean, urriaren erdialdera egun dituen 35.000 langileetatik 8.100 kaleratzeko asmoa agertu zuen, geldialdi tekniko bidez eta erretiroak aurreratuta.

Bitarte horretan, enpresa, gobernu eta sindikatuek konponbide bat bilatzen saiatu ziren. Fiatek Gobernuari «krisi egoe-

SILVIO BERLUSCONI

Italiako lehen ministroa

«Bien bitartean, langile saiatuenek bigarren lan bat topatuko dute, agian ez-ofiziala, sendiak beste diru iturri bat izan dezan»

SABINO PEZZOTTA

Cisl sindikatuko idazkari nagusia

«Berlusconi ahaztu egin du lan beltza lege kanpo dagoela»

ra» ezartzeko eskatu zion. Hala, 'integrazio kutxa' deritzon mekanismo bat eratzen da: enpresak laguntza publikoak eskuratzen ditu, eta industria plan baten bidez egoera zuzentzen du.

Ostegunean bildu ziren Fiateko, sindikatuko eta Gobernuko ordezkariak Erroman —gobernuaren aldetik, Giancarlo Fini Forza Nova alderdi neofaxistako kide eta lehen ministrorde buru zela—. Zuzendaritzak eta Finik plan bat lotu arren, sindikatuen ezetza jaso zuten.

Planak taldeko hiru adarri eragingo dio: Fiat Autoak, Magneti Marelli osagai ekoizlea eta Comau industria hornikuntzako enpresa. Bihartik aurrera, lehen bi enpresetako 5.600 langile kalean izango dira hilabete batzuetarako (ez da zehaztu epea). Ekainetik aitzina, berriz, 2.000 langilek bide bera segituko dute. Langileak kalean diren bitarte horretan eta 24 hilabete mugarekin, estatuak soldataren %80 bermatuko die.

Hemen datza gakoetako bat, sindikatuak ez baitira fio epe baterako izango direnik eta langileon gehiengo bat lanera ez direla itzuliko uste dute. Susmo horiek areagotu egin dira erretiro aurreratuen inguruko hitzarmena ikusita. «Gutxienez, 2.400 langileri» erretiroa aurreratuko zaie, eta, horretarako, baldintza gisa eskatuko da, erretiroa hartzeko gehienez ere zazpi urte geratzea.

Adostasunaren aurrean, Ber-



Ostiralean manifestazio ugari izan zen Italian. Urtarrilean greba orokorra egon litekeela diote sindikatuek.

lusconi bere gobernuaren «bitartekaritza eraginkorra» gorai patu zuen eta sindikatuen aldetik «beste jarrera» bat espero zuela kritikatu zuen.

Sindikatu eta langileen haserrea piztu du planak. Guglielmo Epifani Cgil sindikatuko buruak akordioa «langileen bizkarretik» egin zela adierazi zuen;

«berezkoa, herrialde diktatorial batean», gaineratu zuen.

Urria geroztik, mobilizazio, lanuzte eta manifestazio andana egin bada ere, orain protestak ugaritu egingo dira. Herenegun, Agnelli familiaren fabrika orotan lau orduko lanuzteak egin ziren eta manifestazioak Italiako geografia guztian za-

baldu ziren: Milan, Torino, Erroma, Napoli, Cassino... Siziliako Termini Imereseko lantegian berriz greba egiten ari dira, planak bere itxiera aurreikusten baitu. Fiateko egoerak Italian tentsio igoera handitu du eta sindikatuek urtarrian beste greba orokor bat egoteko aukera aipatzen hasi dira.

Usurbilgo Udala
IRAGARKIA

Udalbatza Plenoak, 2002ko urriaren 29an, egindako bilkuran, besteak beste, hilerri berriko hilobien eta kolunbario edo errauts biltegien zatien eskubideak esleitzeko bete beharreko Lege Ekonomi eta Administrazio Baldintzen Orriak hasieraz onartu eta iragarkiak Gipuzkoako Aldizkari Ofizialean argitaratzen diren biharamunetik hasita 8 egunez jendaurrean jartzea erabaki zuen. Iragarkiak 2002ko abenduaren 4ko Aldizkari Ofizialean argitaratu ziren.

Lurrazpiko hilobien bat edota kolunbario edo errauts biltegi zatiren bat eskuratzeko asmoa duten herritarrek, abenduaren 30a arteko epea dute eskaera aurkezteko. Eskaera-orriak udaletxean eskura daitezke. Eskatzen den hilobi edo kolunbario bakoitzeko 60 €-ko berrmea jarri beharko da. Hilobiak eta kolunbarioak 50 urteetarako utziko dira. Lurrazpiko hilobi bakoitzagatik 2.008,66 € ordaindu beharko dira eta aukeratzen dena kolunbarioa izango balitz, honengatik 670 €-ko kanona ordaindu beharko da.

Usurbilen, 2002ko abenduak 6.
ALKATEAK

Bizkaiko Foru Aldundia
FONDO SOCIAL EUROPEO
EUROPAKO GIZARTE FONDOK

Diputación Foral de Bizkaia
Lan eta Trebakuntza Saila
Departamento de Empleo y Formación

Enpresa sustatzaileentzako hasierako trebakuntza

Helburuak
Enpresa-asmoak mugatu, ebaluatu eta behar bezala bideratzeko behar diren argibideak, trebakuntza-metodologia eta laguntza profesionala ematea.

Edukia
Trebakuntzazko/informaziozko orientazio praktikoa enpresa-asmoak ebaluatzen. 8 ordu iraungo du gehienez.

Hartzaileak
Enpresa-proiektuak edo asmoak dituzten pertsonak eta hasierako ekitaldietan orientabideak behar dituztenak.

Datak VII. EDIZIOA Eskaerak: 2002ko abenduaren 11ra arte. Emanaldia: 2002ko abenduaren 17, 18 eta 19an.

Ordutegia 18:00tik 21:00ra.

Eskaera-eredua eta argibideak
Lan eta Trebakuntza Saila: Obispo Orueta, 6
48009 Bilbo
Tel.: 94 420 73 00

Foru Diputatua